

中國方志叢書·華北地方·第四四三號

據


寶經魁等修，耿愔等纂
民國二十五年鉛印本

影印

河南省

陽武縣志

成文出版社有限公司印行



中國方志叢書·華北地方·第四四三號

據


寶經魁等修，耿愷等纂
民國二十五年鉛印本

影印

河南省

陽武縣志

(二)



成文出版社有限公司印行



10107515

中華民國六十五年 月壹一版

陽武縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新學社

PDG

陽武縣志序

陽武爲縣置於秦自漢以來屬河南滎陽廣武諸郡管州鄭州延州及汴梁路陽開封府清乾隆間改屬懷慶黃河自山西垣曲縣流入濟源東經孟溫武步原武至陽武之南入衛輝府界太行王屋綿亘環抱蜿蜒起伏其間城東南爲博浪城即張良狙擊始皇處至今猶懷懷有聲色余承乏如清時分道而巡從今勅曰專員設署新鄉簿書之閒輒升高矚遠慨然想見中州爲春秋戰國雄伯必爭之地低徊久而不能去問遺老以盧豎韓莊之遺迹渙梁孟津之會盟而不能盡知因嘆流風遺澤泯沒而不彰者久矣鄧君仙舫寶君星樓先後宰是邑下車伊始皆以志曠不修恐益湮沒於是招集耆舊搜逸歲尋墜緒鄧君先之寶君成之皆自董其事以逮其成陽武縣志初修於明宏治癸丑歷嘉靖癸未萬曆辛卯清順治己亥康熙庚午乾隆乙丑凡五修自是缺然失修者垂二百年其間風土人情山川景物政事之興替城郭池隍之變遷月異而歲不同與夫古魁奇人之遺迹當時之文獻一一筆之於書

資二君之力焉陽武之民爭相傳誦感古今之不替憤然興起鄙者寬薄者敦田野之民亦知長幼有序男女有別耕者讓畔老者不負戴於道路矣余每欲得民疾苦上以宣德政下以攄民困而愧未能今觀二君之爲可嘉也已凡爲縣者果聞風而繼起之拳拳於志乘之不可忽俾余得於治公隙餘盡覽中州形勝與夫風教治亂興亡之迹可以觀矣陽武比鄰河內河內古時東都重地循吏輩出如寇恂王梁宋均遺愛至今余慶是書之成樂爲之叙且勉二君能繼武漢時循吏不獨增重陽武也

河南第四區行政督察專員萬安王尹西敬撰

中華民國二十五年 十一月

日

陽武縣志序

民國二十五年七月二十一日余奉命守篆斯土越二月政稍暇修志館段副館長亦璋以縣志初稿十卷見示蓋欲竟全功猶待付之剞劂也余於公餘之暇加以披覽覺其體制新適記載詳實迥非舊志之陳陳相因者可比且其於一邑二百年來之情俗變易政治因革尤能旁蒐博采列敘靡遺實堪以繼廢典而傳之久遠遂慨然以集款付梓爲己任不數月而書成因爲之言曰夫縣志之修纂因時代之不同有難易亦有緩急本縣縣志自清乾隆年間續修迄今已二百年中經辛亥鼎革共和肇興而國體一變及至民國十七年北伐成功施行黨治而政體一變自是政治設施由簡趨繁人民思想變靜爲動於此而欲於一縣之人一地之事一方之約有所稽考陳例舊志已不可復閱矣設不及時脩纂成此盛舉深慮時勢變遷年愈久而傳聞愈難采訪愈難卽一時有關利弊興革之資料隨時而湮沒者亦愈多卽有志焉恐已不足以存地方文獻而供國家政教之考鑑實守土者責有未盡也余感

於縣志續修之不容緩且念諸同仁之賢且勞也爰執筆而爲之序

陽武縣縣長兼修志館館長邢襄寶經魁謹序

中華民國二十五年十二月

日

序

縣之有志猶國之有史也史不修則一國之治蹟湮志不修則一縣之文獻亡秉國鈞而聽治蹟之湮與知縣事而任文獻之亡其失職均也故余每於蒞任伊始卽汲汲以續修縣志爲事曩在太康尉氏或稿將成而去職或甫設館而他遷事廢半途不無遺憾查前清府州縣官到任例由書吏呈志書備覽閱政變後此意微矣各縣方志徒供汲古文士之搜求而不視爲政書任其缺殘散佚罔所董釐况陽武僻邑也地跨長河質雜沙鹵物瘠民貧日迫促於催科徵發諸瑣務不暇顧及鑑紀是以清乾隆九年續修以後迄今竟未再續夫二百年中天時人事變遷沿革之故至繁且鉅乃音響曰沈其不卽湮滅者尙餘幾何民國十五年前任趙君籌款議修以實局不定未及開辦則時之難也李蕭兩任招集紳耆設修志館雖經分門采輯輒復中止則人之難也余乙亥三月蒞任卽招集縣中宿儒碩士會議續修七月初以王君璞臣介紹敦聘儀封耿先生汝和來總編纂館中事務余與段君共任之通力合

作期年而稿脫雖難躋於古作者而二百年文獻得如縷不絕邑先民之靈亦似稍告慰焉以短期理勢緒挂漏夙知難免惟望後有來者考訂而補正之庶余得稍解鹵莽之誚而此書亦免見絀於史乘之林也是編編纂體例皆耿君與諸紳學在館者所致力余或參庸謏實無當萬一昔紫陽朱子守南康甫下車卽問郡志而前代賢哲官某地者往往自有撰述余不才無學望古懷慚耿君不我遐棄惠然肯來諸紳不辭勞瘁分任其事始得覲厥成而勿墜舊緒安敢竊比於朱子暨往昔賢哲惟是職責所先不敢稍緩亦未廢半途已滋幸矣略述梗概以綴卷弁後有作者或得所興感云

中華民國二十五年國歷七月陽武縣縣長兼修志館館長南陽鄧瀛賓

序

陽武王君璞臣宿好也不見者十年乙亥秋過余梁園無恙外曰吾邑有修志之役願子助成其事余以素鮮經驗辭既而李君介五費君澤生以書幣至固辭不獲乃相與來館見各門新稿採訪略備縣長兼館長鄧公仙舫先爲定其大綱余與同人從事編輯越明年夏稿成按陽武志創始於明宏治癸丑歷嘉靖癸未萬歷辛卯清順治己亥康熙庚午乾隆乙丑凡五修自是缺然失修者二百年中經兵燹河患復值辛亥鼎革時事蓋多故矣邑人士關懷文獻恐愈久而愈至湮沒也沒沒然咸以修遺舉廢爲職志縣長鄧公下車之始卽極力提倡故期月之間成此墜典鄧公之爲政誠知所先務若諸君子之用心亦可謂勞且勤矣惜余學識謏陋鑒別難精詳略去取有失宜當益用滋愧然竊聞之志猶史也所以昭往蹟鑒將來也不敢飾采損真炫奇謬聖傳信傳疑要歸實錄雖蕞爾一邑而世運之升降風化之遷移政治沿革民物休戚借可概見是則有志於知人論世之學者或亦將慨然有感於斯若

夫稽古證今旁搜遠紹刪其繁而增其所未備以上媲美於歷次作者願俟諸博雅君子民國丙子季夏古儀封鄉耿愔序

序

陽武舊志成於乾隆之乙丑距民國改元之丙子垂一百九十有二年往事舊聞如杞宋無徵欲從事稽考多所未便此亦考古者之隱憾也乙亥春鄧公仙舫蒞陽伊始卽關心此事雅慮一邑志乘文獻攸關自明洪治創修後續修之事率閱數十年一爲之歷年之久未有過於此時者也其間輿圖沿革山川變更人材盛衰吏治臧否因採訪無由掌故莫據遂至磨滅不彰者不知凡幾倘再因循日久不思增輯恐後此湮沒遺逸之患將更倍於今日矣乃毅然決然延請耆紳鄉先生共謀纂修之特請儀封汝和耿先生秉筆並不棄謫陋屬共襄斯役興廢舉墜誠盛事也第自愧側身戎馬不習翰墨者計達廿餘載才同襪綫學餒三長安敢以坐井望洋之見擅竄雌黃然事關桑梓義難漠置遂不揆樛昧附諸君子後藉効一得之愚竊惟延聘碩彥開館纂輯固守土者之責而繼續前美闡揚後徽亦生斯土者之責也幸在館諸君子均能勵厥始勤厥終旁蒐博采續闕正譌舉二百年之興廢得失政績文章

與夫鄉紳耆民貞孝節烈一一彙總而修輯之行將脫稿付梓適鄧公解任去深恐印費無着從此中止幸竇公星樓來篆斯土本平素嗜古熱心限期籌款付之剞劂余甚喜千百年之盛舉得鄧公倡之於前又得竇公完成於後而竟能於最短期間藏厥事碌碌因人如余亦得廁名其間豈不幸歟爰書數言以誌之

中華民國二十五年歲次丙子邑人段亦璋序

纂修姓氏

陽武縣縣長兼修志館館長

竇經魁 星樓

前陽武縣縣長兼修志館館長

鄧瀛賓 仙訪

副邑館長

段亦璋 裕儒

總編纂

儀

封 耿 愔 汝和

古邑人 王寶樹 蔭堂

邑人 王履瑩 璞臣

編纂

人 張位正 凝臣

邑人 毛國輝 子正

庶

邑 邑 邑 邑 邑 邑 邑 邑 邑 邑 邑

務

人 人 人 人 人 人 人 人 人 人 人

孫汝璋禮南 劉系唐唐堯 李增祿馭富 靳繼道象賢 李九標介五 張宗孟仿興 許紹謙子讓 費銑澤生 李永錫榮九 馬家馴化庭 婁肯堂承先

邑

采

訪

人

夏煥奎宗舜

閻書紳

吳恂如

段亦珍

李心虔

張鏡湖

李士諤

劉汝麟

李本栽

郭普慶

周曾三

王汝麟

魯振彩

曹宣智

陳守禮

郭曰恕

吳書香

王寶林

安鏡海

李龍田

吳松齡

張 垚

趙峻峯

高登科

朱九齡

師天修

李紹文

劉建陽

田多義

吳道亮

董榮城

段曰俊

王芝祥

王繩慶

董芳吾

寶先愷

張金鑑

朱國璋

毛純修

左執玉

謝國鈞

賈逢午

孫長國

苗葉東

郭發身

正原

七